



Mýrdalshreppur

Alþingi
Erindi nr. Þ 138/392
komudagur 1.12.2009

Umhverfisnefnd Alþingis
Austurstræti 8-10
150 Reykjavík

453-III-3 ums um tillögu að náttúruverndaráætlun.docx

Vík, 1. desember 2009

Umsögn um tillögu til þingsályktunar um náttúruverndaráætlun 2009-2013.

Sveitarstjórn Mýrdalshrepps fjallaði um tillöguna á fundum 19. og 26. nóvember og í dag 1. desember. Haldinn var íbúafundur um málið 30. nóvember.

Eftirfarandi var fært til bókar á fundi sveitarstjórnar í dag:

Frá fyrra fundi - Tillaga til þingsályktunar um náttúruverndaráætlun 2009-2013.

Samkvæmt ákvörðun sveitarstjórnar 26. nóvember sl. var boðað til íbúafundar 30. nóvember um Náttúruverndaráætlun 2009-2013. Á fundinum kynntu fulltrúar frá Umhverfisstofnun, Náttúrufræðistofnun Íslands og Umhverfisstofnun hugmyndir um að friðlýsa búsvæði brekkubobba í austurhlíðum Reynisfjalls. Á fundinn mættu á bilinu 80-100 manns.

Á fundinum var eftirfarandi ályktun samþykkt með öllum þorra atkvæða „Fundur íbúa í Mýrdalshreppi, haldinn í Leikskálum þann 30. nóvember 2009. Hafnar alfarið friðlýsingu á hvannastóði undir Reynisfjalli, búsvæði brekkubobba tillaga til þingsályktunar um náttúruverndaráætlun 2009-2013, á 138. löggjafarþingi. Þar sem ekki verður séð að hvönn eða brekkubobba sé nokkur hættu búin af manna völdum.“

Í lið 1 á fundi umhverfis- og náttúruverndarnefndar Mýrdalshrepps þann 26. nóvember sl. var eftirfarandi tillaga samþykkt með 3 atkvæðum:

„Umhverfis- og náttúruverndarnefnd Mýrdalshrepps telur að sú sátt meðal heimamanna sem vera á forsenda friðlýsingarinnar sé ekki fyrir hendi og hvetur sveitarstjórn eindregið til að hafna öllum friðlýsingaráformum að svo komnu máli.“

Tillaga umhverfis- og náttúruverndarnefndar samþykkt með 2 atkvæðum (EE, KP). Þrír sitja hjá (SP, ÞJ, SH).

D-listinn leggur fram bókun:

Fulltrúar D-lista telja ekki rétt að hafna alfarið samvinnu við ríkið um náttúruvernd og að eðlilegt væri að koma tilmóts við sjónarmið sem fram koma í þingsályktunartillögunni eftir því sem hægt er án þess að það raski hefðbundnum nytjum eða umgengni íbúa á svæðinu og hefti í engu framgang fyrirhugaðra vega- og gangnaframkvæmda um Reynisfjall. Benda má á að slík afmörkun búsvæðis jurta og lífvera sem talin er ástæða til að vernda gæti auðveldað framgang umhverfismats þegar til framkvæmda kemur. Fulltrúar D-lista vilja þó ekki ganga gegn samþykkt íbúafundar 30. nóvember sl. og sitja hjá við afgreiðslu tillagna um að hafna alfarið samvinnu við ríkið um friðlýsingu.


B-listinn leggur fram bókun:

Fulltrúar B- listans benda á að sveitarstjórn Mýrdalshrepps hefur tvívegis á þessu ári veitt umsögn um Náttúruverndaráætlun 2009-2013 hvað varðar friðun hvannstöðs og brekkubobba í hlíðum Reynisfjalls. Í bæði skiptin hefur sveitarstjórn samþykkt samhljóða bókun þess efnis að hún hafni afdráttarlaust friðun með þeim rökum að engar hættur af manna völdum stafi að hvönn né brekkubobba, jafnframt að mjög skiptar skoðanir séu á meðal íbúa um ágæti friðlýsinga sem þegar gildi í Mýrdalshreppi. Við þessa samþykkt standa fulltrúar B-listans heilshugar.

Samkvæmt ofangreindu hafnar sveitarstjórn öllum friðlýsingaráformum að svo komnu máli.

Meðfylgjandi eru fundargerð umhverfis- og náttúruverndarnefndar Mýrdalshrepps frá 26. nóvember og tillaga að ályktun ásamt greinargerð er samþykkt var á íbúafundi 30. nóvember.

Virðingarfyllt

Sveitarstjóri Mýrdalshrepps


Sveinn Pálsson
sveitarstjóri

FUNDARGERÐ

11. fundar umhverfis- og náttúruverndarnefndar Mýrdalshrepps.

Fundarstaður: Skrifstofa Mýrdalshrepps.

Fundartími: Fimmtudagur 26. nóvember 2009 kl. 18:30.

Mættir: Undirritaðir aðal- og varamenn umhverfis- og náttúruverndarnefndar.

Ritari fundarins: Áslaug Einarsdóttir.

Formaður, Sigrún Guðmundsdóttir setti fund og stjórnaði.

Gerðir fundarins:

Nefndarmenn samþykktu að breyta dagskrá fundarins og taka lið tvö fyrir á undan lið 1

1. Tillaga til þingsályktunar að náttúruverndaráætlun 2009-2013.

Á fundinn er mættur Sigurður Á. Þráinsson deildarstjóri í umhverfisráðuneytinu

Sigurður Á. Þráinsson gestur fundarins rakti fyrir okkur verklag vegna tillögu til þingsályktunar um náttúruverndaráætlun 2009 -2013

Þráinn Sigurðsson lagði fram eftirfarandi tillögu að bókun

Umhverfis- og náttúruverndarnefnd Mýrdalshrepps leggst alfarið gegn því að þingsályktunartillaga um náttúruverndaráætlun 2009 -2013 verði afgreidd án frekari umræðu og kynningar á þeim áhrifum sem fyrirhuguð friðlýsing kann að hafa á samfélagið.

Hlutverk náttúruverndarnefnda er að vera sveitarstjórn til ráðgjafar um náttúruverndarmál, að stuðla að náttúruvernd, hver á sínu svæði, m.a. með fræðslu og umfjöllun um framkvæmdir sem líklegar eru til að hafa áhrif á náttúruna og að gera tillögur um úrbætur til sveitarstjórna og Umhverfisstofnunar. Stofnun náttúruverndarnefnda byggir á nálægðarsjónarmiði, það er að taka eigi ákvarðanir eins nálægt vandanum og hægt er þar sem þeir sem búa á svæðinu vita best hvar úr má bæta og hvar mestar líkur eru á að ná fram jákvæðum breytingum.

Gert er ráð fyrir að náttúruverndarnefndirnar séu tengiliðir Umhverfisstofnunar við sveitarfélögin og íbúa þess hvað varðar náttúruvernd. Því er kveðið á um í 65. gr. laganna að Umhverfisstofnun beri að hafa samráð við náttúruverndarnefndir við gerð tillögu að náttúruverndaráætlun. Einnig ber Umhverfisstofnun skv. 67. gr. laganna að hafa samráð við náttúruverndarnefndir vegna undirbúnings og öflun gagna vegna viðbóta við náttúruminjaskrá og heildarútgáfu hennar.

Umhverfis- og náttúruverndarnefnd Mýrdalshrepps var ekki höfð með í ráðum þegar tillaga að náttúruverndaráætlun 2009 – 2013 var unnin og sá frestur sem nefndinni er veittur til umsagnar þ.e. til 30. nóvember n.k. er í engu samræmi við umfang málsins.

Þingsályktunartillaga um náttúruverndaráætlun 2009 – 2013 var lögð fyrir alþingi á 137. löggjafarþingi 2009. Á fundi sveitastjórnar þann 26. febrúar 2009 var eftirfarandi umsögn um tillöguna samþykkt.

Sveitarstjórn leggst gegn friðlýsingu hvannstóðs undir Reynisfjalli þar sem ekki verður séð að hvönn eða brekkubobba sé nokkur hættu búin af manna völdum og skiptar skoðanir eru meðal íbúa um ágæti friðlýsinga sem þegar eru í gildi í Mýrdalshreppi.

Fundur íbúa í Mýrdalshreppi, haldinn í Leikskálum þann 30. nóvember 2009. Hafnar alfarið friðlýsingu á hvannastóði undir Reynisfjalli, búsvæði brekkubobba tillaga til þingsályktunar um náttúruverndaráætlun 2009-2013, á 138. löggjafarþingi. Þar sem ekki verður séð að hvönn eða brekkubobba sé nokkur hættu búin af manna völdum.

Tillagan er rökstudd með eftirfarandi:

1. Í náttúruverndaráætlunni kemur fram að ógnir séu engar.
2. Ekki er fyrirbyggjandi nein rannsókn á búsvæði brekkubobba sem liggur til grundvallar á tillögunni.
3. Að umhverfis og náttúruverndarnefnd Mýrdalshrepps hefur ekki verið til ráðgjafar eins og kveðið er á í 65 gr. laga um náttúruvernd nr. 44 frá 1999, að umhverfisstofnun beri að hafa samráð við náttúruverndarnefndir við gerð tillögu að náttúruverndaráætlun.
4. Sveitafélagið fer með skipulagsvald samkvæmt lögum, bæði hvað varðar svæðis- og aðalskipulag. Ekki hefur farið nein kynning fram að hálfu sveitastjórnar í vinnu við tillögu að aðalskipulagi Mýrdalshrepps og er þetta svæði ekki inn á fyrirbyggjandi tillögu er hefur verið send til umsagnar skipulagsstofnunar er verður auglýst í desember.
5. Í staðardagskrá 21 er var samþykkt í sveitastjórn Mýrdalshrepp þann 22. október síðastliðinn. Undir liðnum ásýnd og umgengni, er tekið fram að gert verði átak í að hefta útbreiðslu kerfils, hvanna og njóla.
6. Takmarkaðir fjármunir eru hjá Umhverfisstofnun til ráðstöfunar til náttúruverndar og dreifast þeir á enn fleiri staði en áður með þessari náttúruverndartillögu. Friðlýsing Dyrhólaeyjar hefur fært okkur þá reynslu að íbúar í Mýrdalshreppi geta ekki hugsað sér meiri friðlýsingu í sveitafélaginu. Eyjan er lokuð í byrjun ferðamannatímans sem veldur ferðaþjónustunni stórskaða, svæðið er víða í niðurníðslu til margra ára og engin uppbygging hefur átt sér stað þrátt fyrir samþykkt deiliskipulag frá 30. október 2005.
7. Ekki er að finna í bókunum sveitastjórnar Mýrdalshrepps neinn fund, né samþykktir um tillöguna, þó að þess sé getið í inngangi að náttúruverndaráætlunni að viðræður hafi átt sér stað við einhverja fulltrúa sveitastjórnar. Er það mjög óeðlilegt þar sem sveitastjórn hefur tvisvar áður mótmælt friðun svæðisins.